

1 Thessalonians

Saint Paul, Thessalonica gwizhit Gwik'injiighit Najj Tr'ookit ts'a' Ch'adaant'oo

1 ¹Shij Paul ts'a' Silas, Timothy najj haa Thessalonica kwaiik'it gwachoo gwizhit juu tr'igiinkhii zeh gwizhit gwik'injiighit najj nakhwats'a' ch'adaraant'oo. Nakhwan juu Vit'eegwijyahchy'aa, Gwiti', ts'a' K'eegwaadhat Jesus Christ k'injiighit najj tsinehdan ts'a' vich'eegoonzhrii haa nakhwats'an oolj'.

Thessalonian Najj Nats'ahts'a' Gwik'injigwiighit Zhit Gwigwehendaii

²Gweedhaa datthak nakhweenjit khadigiriinjii ts'a' Vit'eegwijyahchy'aa mahsj' varahnyaq. ³Nijin kharigidiinjii daj' Vit'eegwijyahchy'aa Gwiti' vats'a' nakhwaneegwaandaii, nats'ahts'a' nakhwagwik'injigwiighit niint'aii oh'ij' ts'a' nakhwach'et'igwiiniindhan zhit gwiint'aii gwitr'it t'agoh'in ts'a' K'eegwaadhat Jesus Christ deehee'yaa nyaq ajj gwik'it t'ihee'yaa vaakhwandaii ajj gwint'aii gohta'. ⁴Diijyaa najj, Vit'eegwijyahchy'aa nakhweet'iindhan gaagwiindaii, ajj geh'an gwitee tr'anakhweeinlii vats'an hohlyaa geenjit. ⁵Nijin Gwandak Nizij nakhwant'eeriin'ajj daj' ginjik zhrih haa t'igwiizhik kwaa gaa, Vit'eegwijyahchy'aa vat'aii ts'a' Ch'ankey'aa Shroodiinyaq zhit ts'a' h'ididlii haa t'igwinyaq gaakhwandaii. Nijin nakhwaa t'igwinchy'aa daj' nats'aq gwarandaii diinoh'in ajj'ee gwahoh'yaa

geenjít t'igwiizhit t'oonchy'aa. ⁶Ajits'á' K'eegwaadhat ts'á' diikhwan haa diitajj khadhoojil, Ch'ankey'aa Shroodiinyaa ts'an Gwandak Nizij ajj deegwaht'oo gwik'injiighit kwaa najj khaiinjich'anakhwagahkhit gaa nihk'it shoo qhijj haa oodhoojik. ⁷Ajj gwik'it Macedonia ts'á' Achaia (Greece) nahkat gwizhit gwik'injiighit najj nakhwak'it t'igihee'yaa jyaa dakhwazhit geh'an. ⁸Macedonia ts'á' Achaia nahkat gwa'an datthak nakhwats'an K'eegwaadhat Jesus Christ Vagwandak Nizij giitth'ak, ajj zhrij nakwaa gaa deegwaht'oo Vit'eegwijyahchy'aa vik'injuhkhít ajj nahkat gweelin datthak gwigwiitth'ak ts'á' gah geenjit t'igweheenjyaa gwakwaa. ⁹Nakhweenaraajil dajj' izhit gwa'an dinjii najj datthak nats'ahts'á' diik'oh't'ij' gwint'oo geegiginkhii, ts'á' nats'ahts'á' ch'ik'tiltsi' k'injuhkhít gwats'an Vit'eegwijyahchy'aa hi'didlii ts'á' khít gwaandaii nilii k'injuhkhít dhoodlit chan gwint'oo geegiginkhii. ¹⁰Ajits'á' Gwidinji' zheekat gwats'an nineeheedyya geenjit nagwadhoo'in ajj Gwidinji' t'ee Jesus niindhat gwats'anh chan Vit'eegwijyahchy'aa yineegwíldaii ts'á' vik'iighai' ch'aroahkat drin zhit ji' Vit'eegwijyahchy'aa zhyaants'ijj gwarahaah'yaa kwaa.

**Paul, Thessalonica Kwaiik'it Gwachoo
gwizhit Jidii gwitr'it T'agwah'ya'**

2 ¹Dijyaa najj, nijin nakhwaatr'aak'ij' dajj' deegwehee'yaa goo'aai datthak gwinzii gwik'it t'igwiizhit gaakhwandaii. ²Thessalonica gwizhit nakhwats'á' tr'ihedaa gwats'á' dajj' Philippi kwaiik'it gwizhit diits'á' giizuy ts'á' ginjik iizuy haa diits'á' giginkhii ajj gaakhwandaii, lejij najj diitajj neelzhii kwaa googaa nihk'it Vit'eegwijyahchy'aa t'aih diinant'eiin'ajj haa nakhwats'á' tr'ahaajil ts'á' Vagwandak Nizij eenakhwaagwaraandak. ³Gwandak Nizij eenakhwaagwaraandak ajj zhyya gweheezuy geenjit t'igwinyaa kwaa ts'á' tsinteenakhwarahakaii eenjit t'igwinyaa kwaa. ⁴Gaa Vit'eegwijyahchy'aa doonya' diinoonyaa gwik'it girinkhii ts'á' Gwaandak Nizij eegariinkhii ajj gwinzii t'igweheenjyaa gaandaii geh'an diinant'eegwiin'ajj. Dinjii shoo tr'ahahtsyaa gwik'eegwarandaii t'igwii'in kwaa gaa Vit'eegwijyahchy'aa diidrii gwinzii vaadha'aai ji' geenjit gwik'it teediidahtii. ⁵Nakhwatthajj' heezyya geenjit nakhwats'á' ginjik tr'ahtsii t'igwii'in kwaa akwat nakhwalaraa gwiindhan geenjit

nakhwats'a' girinkhii t'igwinyaa kwaa aji datthak gaakhwandaii. Vit'eegwijyahchy'aa ti'didlii haa jyaa digwii'in kwaa diinaandaii t'inchy'aa. ⁶Nakhwan akwat ch'izhii dinjii naji gwinzii t'akhwa'in diinahaan ज्याa geenjit t'igwii'in kwaa.

⁷Christ va-tr'ihii'ee tr'iinlii geenjit gwinleji diineenjit ज्याa dakhwa'in nakhwarahaanjyaa gaa gwik'it t'igwiinya' kwaa, ts'a' nijin nakhwaagwirinch'i' dai' ch'ahan, diigii tr'iinin tsal khai'gwidlii gwinzii k'ineehahdak k'it t'anakhwarah'ya'. ⁸Nakhweenjit gwint'oo ch'et'igwiniindhan tr'ii'iji geh'an Vit'eegwijyahchy'aa vats'an Gwandak Niziji eenakhwaagwaraandak shoo tr'iinlii, aji zhrh nakwaa gaa ज्याa gwint'oo nakhweet'igwiindhan geh'an gwint'oo nakhwats'aroonya' gwiindhan. ⁹Dijyaa naji, nakhwatee gwint'aii gwitr'it t'agwarah'in gaanoondaii. Zhyaa nakwaa gwireheechy'aa kwaa geenjit drin, toq haa gwint'aii gwitr'it t'agwarah'in, aji nakhwaagwirich'iji gwiizhit Vit'eegwijyahchy'aa vats'an Gwandak Niziji eenakhwarahtan geenjit.

¹⁰Izhit dai' zhat gwa'an nakhwan gwik'injiighit naji datthak nakhwats'a' shroodiinyaa tr'iinlii ts'a' diitr'agwaanduu gwakwaa haa nakhwatee gwinzii gwirich'iji, Vit'eegwijyahchy'aa vaa gwinzii nirilzhii gwik'it diitr'agwaanduu gwakwaa aji diinooh'in ts'a' Vit'eegwijyahchy'aa chan diinah'in. ¹¹Nakhwateegwagwaaanchy'aa ts'a' nats'ahts'a' ch'iti', diigii k'aqhtii gwik'it nakhwak'eeraht'i' gaakhwandaii. ¹²Aji't'ee Vit'eegwijyahchy'aa nats'aa khit gohdaii nakhwoihnyaa gwik'it gahohdaii haa shoo hohtsyaa nakhwarahnyaa ts'a' Veegwinii'ee ch'eegwahndit zhit vaa hohlyaa geenjit khit nakhwagwik'injigwiighit heent'aii gwik'eegwarandaii gwarahtsii t'igwii'in.

¹³Ts'a' jii geenjit Vit'eegwijyahchy'aa khit mahsi' varahaanjyaa aji akhagoorahoonjyaa kwaa: aji nijin geenakhwarahtan dai', diikhwakhai' ginjik tr'ahtsii k'it ninjich'qhthat kwaa gaa Vit'eegwijyahchy'aa vats'an ginjik nilii k'it gwinzii oodhohjik Vit'eegwijyahchy'aa, ज्याa juu gwik'injiighit naji datthak zhit tr'agwah'in. ¹⁴Dijyaa naji, nakhwanahkat gwizhit gwats'an Vit'eegwijyahchy'aa vitr'igiinkhii zheh juu Christ Jesus k'injiighit naji Jews khaiinjich'agoogahthat gwik'it nakhwant'ee khaiinjich'anakhwagahthat, t'oonchy'aa. ¹⁵Aji Jews naji t'ee K'eegwaadhat Jesus ts'a' Vit'eegwijyahchy'aa Eenjit Ginkhii ts'a'

diikhwan haa diigeelkhwaꞑi. Lyaa Vit'eegwiyꞑhchy'aa shoo gahtsii kwaa! ts'a' dinjii naꞑi datthak ts'i' t'iginchy'aa! ¹⁶Jews nilii kwaa naꞑi neegehezhi geenjit Gwandak Nizii geegoorahtan gwits'i' t'idiigahthan, jyꞑts'a' gwandaa tr'agwaanduu t'igii'in gilii aꞑts'a' it'ee Vit'eegwiyꞑhchy'aa googwahaꞑhshii nigwiindhat.

Paul chan hee Thessalonian Naꞑi Nooꞑya' Yiindhan

¹⁷Diiyaa naꞑi, nijin ch'ihlee nakhwaꞑeerahooꞑil daꞑi', nakhwaa t'igwinchy'aa kwaa gaa zhit nakhwaninjich'arahthat ts'a' neenakhwarahaan'yaa geenjit gwint'aii gwik'eegwarandaii.

¹⁸Nakhwats'eerahooꞑyaa gwiindhan, ts'a' shii, Paul nakhwats'eehihdya gwinleꞑi gwik'eegwihdaii gaa Satan aꞑi gwits'i' zhat diinoonta'. ¹⁹Nakhwagwik'injigwiighit niint'aii gaagwiindaii aꞑi geenjit shoo tr'iinlii, ts'a' nijin K'eegwaadhat Jesus Christ nineezhii ji' aꞑi gwik'injuhkhith geenjit vandah nakhwashoo tr'ahahya. ²⁰Aaha', aꞑi geh'an nakhweech'ari'in ts'a' nakhweenjit shoo tr'iinlii t'oonchy'aa.

3 ¹Aꞑts'a' it'ee nijin niighyuk neenakhwarahaan'yaa geenjit khyu' nagoorool'in daꞑi', dzaa Athens kwaiik'it gwachoo diikhwan zhrih tr'eelk'ii ji' ts'aꞑi gweheezyaa gwiindhan. ²Diichaa Timothy, Vit'eegwiyꞑhchy'aa eenjit gwitr'it t'agwah'in ts'a' Gwandak Nizii eegwandak nilii aꞑi, nakhwagwik'injigwiighit niint'aii hah'yaa ts'a' tseenjyaa t'akhwa'in nakhwahaanꞑyaa geenjit nakhwats'a' tr'ihii'ee. ³Aꞑts'a' nijin Jesus k'injuhkhith geh'an dinjii naꞑi khaiinjich'anakhwagakhith daꞑi' aꞑi googaa nakhwagwik'injigwiighit akhagohnyꞑ' shro'! Vit'eegwiyꞑhchy'aa gwik'it diineenjit t'iindhan geh'an jyꞑts'a' khaiinjich'iriidhat t'igwii'in gaakhwandaii.

⁴Nijin nakhwaa tr'iilk'ii daꞑi' jyaa nakhwarahnyꞑ, dinjii naꞑi khaiinjich'idiirahthat gwik'injiriighit geh'an, aꞑit'ee juk gwik'it t'igwii'in. ⁵Khan ts'a' tth'aii hee Christ k'injuhkhith akwat Christ k'injuhkhith kwaa haa ch'ihlak gaashoondaii nihthan geh'an Timothy nakhwats'a' naalchiꞑ. Ch'anꞑy'aa Tr'aanduu dinjii tr'agwaanduu niindhan ahtsii aꞑi gwik'it t'akhwazhit ji' shro' nihthan geh'an t'ishizhit. Jyaa dakhwazhit ji' t'ee jidii Christ k'injihohkhith geenjit nakhwaa gwitr'it t'agwarah'yaa kwaii datthak zhyaa geenjit gwakwaa t'igwiizhit k'it t'igweheechy'aa.

⁶Timothy nakhwaah'ya' gwats'an oo'ee neezhiꞑ, ts'a' tth'aii hee nihleenjit ch'heet'igwiniindhan akhwa'ii ts'a' Christ chan tth'aii

hee k'injuhkhith nakhwahnyaa. Khith ts'a' gwinzii diininjich'ohthat ts'a' neediinoonya' nothhan nakhwahnyaa, diikhwan t'ee ɣyaa neenakhwaraan'in ji' gwiindhan. ⁷Diiyyaa naɣi tth'aii hee Christ k'injuhkhith nakhwahnyaa geh'an khaiinjich'iriighith ts'a' diinaagogwantrii googaa nihk'it nakhwagwik'injigwiighith diit'aii gwah'ii. ⁸K'eegwaadhat Jesus gwint'aii k'injuhkhith gaagwiindaii geh'an it'ee juk diitthai' nizi. ⁹Nijin khadigiriinjii dai' gwint'oo shoo diinadhohtsaɣi geh'an Vit'eegwijyahchy'aa vats'a' nakhweenjit mahsi' gwinyaa gaa zhyaa k'it t'oonchy'aa. ¹⁰TQQ, drin haa Vit'eegwijyahchy'aa vats'a' gwint'oo khadigiriinjii, neenakhwarahaan'yaa gwik'it gweheelyaa geenjit. Ts'a' nijin neenakhwaraan'in ji' gwandaa Vit'eegwijyahchy'aa k'injihohkhith geenjit geenakhwarahahchyaa.

¹¹Diiti' Vit'eegwijyahchy'aa nilii ts'a' Diik'eegwaadhat Jesus haa nakhwats'a' tr'iheeda geenjit gwinzii gwiłtsaɣi ji' gweheezyaa. ¹²K'eegwaadhat k'iighai' gwint'oo nihleenjit ch'et'igwiniindhan akhwa'ii ts'a' dinjii naɣi datthak chan eenjit ch'et'igwiniindhan akhwa'ii. Gwint'oo nakhweenjit ch'et'igwiniindhan tr'ii'ii gwik'it. ¹³Diik'eegwaadhat Jesus nakhwats'an t'aih hahtsyaa geenjit vats'a' kharigidiinjii aɣits'a' nijin Jesus Diik'eegwaadhat juu vats'an yiinlii naɣi haa neenezhii ji', Diiti' Vit'eegwijyahchy'aa datthak vats'a' nahoozhyyaa ts'a' nakhwatragwaanduu gwakwaa geenjit nakhwashooahɣyaa.

Nats'aɣ Gɔhdaii Gwik'iighai' Vit'eegwijyahchy'aa Shoo Hohtsyaa

4 ¹Aɣits'a' t'ee diiyyaa naɣi, nats'aɣ Vit'eegwijyahchy'aa shoo hohtsyaa k'it goohɔhdaii geenakhwarooftin, ts'a' jyahts'a' juk gwik'it gɔhdaii. Juk it'ee K'eegwaadhat Jesus voozhri' k'iighai' tseenjyaa gwandaa gwik'it t'akhwa'in nakhwarahnyaa t'igwinyaa. ²K'eegwaadhat Jesus jyaa dakhwa'in diinahnyaa gwik'it geenakhwaraahtan t'igwii'in gaakhwandaii. ³Vit'eegwijyahchy'aa, shroodiinyaa qhɣi' nakhwoihnyaa, aɣi geh'an ch'ihhok gaa juu veedhoodii kwaa haa khohchyaa kwaa t'oonchy'aa. ⁴Aɣits'a' nakhwatthai' juu veedhoodii kwaa haa tr'oochi' nothhan gwits'i' gwak'qohtii, shroodiinyaa ts'a' i'didlii ky'aa gɔhdaii, jyaa dakhwa'in ji' dinjii naɣi nakhweenjigahah'aa t'oonchy'aa. ⁵Juu haa nagwaroo'aa nothhan aɣi gwats'a' t'ee doo'ya' shro', juu Vit'eegwijyahchy'aa

haandaii kwaa ts'a' k'injiighit kwaa naïï jyaa digii'in gwik'it t'akhwa'ya' shro'! ⁶Aïïts'a' ch'izhii dinjii naïï ts'a' gwiizüü t'akhwa'ya' shro' ts'a' goo'at haa nagoh'aa shro', juu jyähts'a' vatr'agwaanduu gwanlii naïï K'eegwaadhat googwahahshii ts'a', ch'adaï! hee jyaa nakhwaraiinya' t'oonchy'aa. ⁷Gwiizüü ch'aanigwirehee'aa geenjit nakwaa gaa shroodiinyaä tr'iheelyaa haa gwinzii adagwarahaandaii geenjit Vit'eegwiyähy'aa aanaii shataïï hinkhaii diinahnyä t'oonchy'aa. ⁸Aïïts'a' juu jii jyaa deekhwa'in gwinyää äïï gwik'it dinjii nilii kwaa t'ee dinjii geech'öähtan gwik'eegwahthat t'ii'in kwaa gaa Vit'eegwiyähy'aa jyaa dakhwa'yaa nyää äïï gwik'eegwahthat kwaa t'igii'in ts'a' Vit'eegwiyähy'aa t'ee Ch'an'ky'aa Shroodiinyaä nakhwats'an ähtsii t'oonchy'aa.

⁹Vit'eegwiyähy'aa ch'adaï! hee nihleenjit ch'eet'igwiniindhan khwa'ïï geenjit geenakhoohtin geh'an, juk nihleenjit ch'eet'igwiniindhan khwa'ïï geenjit nakhwats'a' ch'adaraant'oo gwit'eegwaahchy'aa kwaa. ¹⁰Aïïts'a' diijyaa naïï, Macedonia nahkat gwizhit datthak juu gwik'injiighit naïï datthak eenjit ch'eet'igwiniindhan akhwa'ïï äïï tseenjyaa gwandaa jyaa dohchy'aa nakhwarahnyä t'oonchy'aa. ¹¹Aïïts'a' gwinzii k'iindaa khai'gwidlii, ts'a' tsinehdan haa gwahöhdaii geenjit gwinzii khanoondaii, ch'izhii dinjii naïï chan haanagoh'aa shro' ts'a' nakhwanli' haa gwinzii tr'agoh'in nakhwarahnyä gwik'it t'akhwa'in. ¹²Drin gwiteegwagwaanchy'aa datthak jii deenakhwarahnyä datthak gwik'it göhdaii ji' äïï juu Jesus k'injiighit kwaa naïï aakin nakhwagahaah'yaa ts'a' nakhweenjit gahah'aa äïïts'a' duuyeh dinjii ch'ihlak t'injuuhchyaa.

**Paul, Nijin Ji' K'eegwaadhat Jesus
Nineeheedyaa Geenjit Geech'öähy'aa**

¹³Diijyaa naïï, juu gwik'injiighit ts'a' niindhat naïï deegiheenjyaa hi'didlii haa gaakhwandaii nakhwaroonyaä. Juu gwik'injiighit kwaa naïï nijin gootee ch'ihlee niindhat däï! gitree ts'a' tr'igwigwidii. Äïï gwik'it juu yeendaa ji' geenjit Vit'eegwiyähy'aa t'injigahchy'aa kwaa k'it juu gwik'injiighit ts'a' niindhat naïï eenjit ohtree ts'a' tr'agohdii shro'! ¹⁴Jesus niindhat ts'a' needhikhin gwik'injiriighit, äïïts'a' nijin Jesus oodaa needyaa ji', Vit'eegwiyähy'aa juu gwik'injigiighit zhit niindhat naïï datthak oodaa Jesus haa neeheelyaa äïï gwik'injiriighit.

15 Jii t'ee K'eegwaadhat viginjik aji nakhwaa gwaraandak t'igwinyaa, diikhwan tth'aii hee gwarandaii, nijin K'eegwaadhat nineezhii ji' duuyeh juu gwik'injiighit zhit niindhat naji ehkii veeniriyaa t'oonchy'aa. 16 Vit'eegwijyahchy'aa, vizheekat gwich'in kih dhidii dideezhuh haa gwint'aii khaginkhee ts'a' jyaa dakhwa'in heenjyaa, ts'a' dinjii naji, Vit'eegwijyahchy'aa va-trumpet zhit zheekat gwich'in gwizhinzhoon gwigweheeth'ak, gwiizhit K'eegwaadhat zheekat gwats'an k'iidaa nineeheedyya ts'a' juu Christ k'injiighit zhit niindhat naji tr'ookit khakeehaazhyaa. 17 Ajiit'e'e diikhwan juu tth'aii gwandaii naji ts'a' juu gwik'injiighit ts'a' niindhat naji haa zheek'oh zhit khaihlan nidiieelyaa, ts'a' oodak zheekat K'eegwaadhat veenireheeda ts'a' izhik gwats'an ndaagwaa'aji' kwaa gwats'a' datthak K'eegwaadhat vaat'igweechechy'aa. 18 Jii jyaa nihloonyaa ts'a' t'aih nihts'an ohtsii.

K'eegwaadhat Naaheedyya Eenjit Shreegadhoh'aji

5 1 Shijyaa naji, nijin ji' K'eegwaadhat Jesus nineeheedyya geenjit nakhwats'a' ch'adareheent'oo ts'a' nakhwaa gwarahaandak geenjit diinaa gwik'it goo'aii kwaa. 2 Jii jyaa digwinyaa gwinzii gaakhwandaii geh'an K'eegwaadhat needyaa ji', nijin ch'ihlee gaa gineeyuulii kwaa gwiizhit, dinjii ch'an'ii toq neech'ahaan'ik k'it neeheedyya t'inchy'aa. 3 Nijin dinjii naji "Jii nankat gwik'eerahtii ts'a' tsinehdan goo'aii," ginyaa gwiizhit, khan hee goovaagwigweetrii nagwahaadhal, tr'injaa tr'iinin haa ilts'ik naanai k'it. Duuyeh jii googwantrii gwats'an tr'igijyaa t'oonchy'aa. 4 Gaa shijyaa naji, jii nankat tr'agwaanduu t'igii'in haa toq goo'aii k'it t'oonchy'aa gwats'an ohji kwaa. Ajiits'a' zhat drin nijin K'eegwaadhat goorahtee dinjii ch'an'ii k'it nineezhii ji' jii nankat gwidinjii naji k'it nakhwarahtee t'igweheenjyaa kwaa t'oonchy'aa. 5 Datthak ts'a' adrii ts'a' drin haa gwats'an ohji. Khaa ts'a' toq haa gwats'an tr'iinlii kwaa t'oonchy'aa. 6 Ajiits'a' t'ee juu ilchuu naji k'it t'aroochy'a' shr'o, deegweheenjyaa gaagwiindaii kwaa gaa gwik'eerohti' ts'a' deegwii'in chan gwik'eerohti'. 7 Juu ilchuu naji toq hee gilchuu, ts'a' juu ch'iinji naji toq hee ch'igiinji. 8 Drin gwats'an tr'iinlii geh'an deegwii'in gwik'eerahtii, niveet'ah'in ch'iitsii chyah dril digidrihtsii naazhii k'it diigwik'injigwiighit ts'a' ch'eet'igwiniindhan haa dik'eeraantii geenjit vit'injiraahchy'aa. Vit'eegwijyahchy'aa neediihahshii geenjit vit'injarahchy'aa, aji haa niveet'ah'in goots'eenaraa'aii

k'it t'oonchy'aa. ⁹Vit'eegwiyjahchy'aa, diinaa gwagwantrii haa khaiinjich'ireheeghit geenjit gwitee tr'idiiniinlii kwaa, gaa K'eegwaadhat Jesus Christ vik'iighai' neereheezhii geenjit. ¹⁰Ajijts'a' niriindhat akwat gwarandaii, ji' datthak vaa t'igweheechy'aa ajij geenjit Jesus diineenjii niindhat t'oonchy'aa. ¹¹Gwandaa gwinzii t'akhwa'in niht'ohnyaq ts'a' t'aih nihts'an ohtsii, ajij gwik'it t'akhwa'in tseenjyaa nihts'a' jyaa dakhwa'in.

**Nats'aq Vit'eegwiyjahchy'aa Shoo Tr'ahahtsyaa
Ajij Paul Jyaa Dakhwa'in nyaq**

¹²Diiyaa najij, it'ee juk juu nakhwatee gwint'oo gwitr'it t'agwah'in najij khadhoo'ee, juu K'eegwaadhat zhit nakhwakhaihkwaii nilii najij, ts'a' tr'agwaanduu t'akhwa'in kwaa nakhwahnyaq najij t'aihnyaq. ¹³Gwint'oo gwitr'it t'agwagwah'in geh'an gwint'oo gookhadhoo'ee ts'a' gooveenjii ch'et'igwiniindhan akhwa'ij. Tsinehdan zhit nih'aa t'ohchy'aa.

¹⁴Diiyaa najij datthak jyaa goovohnyaq juu tr'agoodiinjik najij gwitr'it t'agoh'in goovohnyaq ts'a' naajat najij chan noojat kwaa goovohnyaq, juu vat'aii kwaa najij chan ts'ohnyaa ts'a' juu najij datthak haa khadhoochi' kwaa ts'a' dinjii qh'ij. ¹⁵Nakhwatee ch'ih'lee dinjii ts'a' gwiizuu t'iizhik ji' yats'a' k'eegwiichy'aa t'oo'ya' shrq', gaa khit nih'eenjit ts'a' juu najij datthak haa nakhweeshroonchy'aa.

¹⁶Khit nakhwaa shroonchy'aa, ¹⁷gweedhaa datthak khagadq'hjii, ¹⁸gwiizuu akwat gwinzii haa datthak geenjit Vit'eegwiyjahchy'aa mahsi' vohnyaq, ji' t'ee Christ Jesus k'iighai' Vit'eegwiyjahchy'aa jyaa dakhwa'ya' nakhoonyaa t'oonchy'aa.

¹⁹Vit'eegwiyjahchy'aa Vach'anky'aa Shroodiinyaq nakhwatee tr'agwah'in ajij goots'i' t'ohchy'a' shrq'! ²⁰Nijin ch'izhii gwik'injiighit najij Ch'anky'aa Shroodiinyaq shats'a' gwigweefkij ginyaq dai' akhagavohnya' shrq'! ²¹Gaa jidii datthak gwinzii t'iginyaq ji' geenjit gwinzii gooh'in, ajij gwik'iighai' lyaa t'iginyaq gaahakhwandaii geenjit, gwinzii t'iginyaq ji' ajij qoh'ta'. ²²Jidii tr'aanduu datthak akhohnyaq, tr'agwaanduu t'iginyaq tee ji' gwik'eegqhthat shrq'!

Paul Khaiinkqo Goots'a' Ch'adaant'oo Dai' Gooveiinya'

²³Vit'eegwiyjahchy'aa, tsinehdan gwats'anh qhtsii, ajij shroodiinyaq datthak nohtsyaa. K'eegwaadhat Jesus Christ

nineeheedyaa gwats'a' nizhin, nanky'aa, ts'a' natthaj' haa
 tr'agwaanduu gwitr'it t'agwahah'yaa gwits'i' nakhwat'aii goh'i'.
 24 Vit'eegwijyahchy'aa gwitee tr'anaqahchij t'ee deehee'yaa nyaq
 gwik'it t'ihee'yaa t'inchy'aa.

25 Diiyyaa najj, diineenjit chan khagadohjii.

26 Nakhwachaa najj gwik'injiighit zhit, noh'in daj'
 gooyineedohtrat, ts'a' diineenjit nakhwadivee doonchy'aa
 goovohnyaq.

27 Jii dehtly'aa K'eegwaadhat vat'aii k'iighai' nakhwachaa
 gwik'injiighit zhit najj haa noh'in.

28 Diik'eegwaadhat Jesus Christ vich'eegoonzhrii nakhwaa ooli'.